

A DIOS I KREASHON.

❖ Un Kreador perfekto.

— Kreashon ta revelá varios karakterístikanan di Dios:

- (1) *Un Dios poderoso*: El a papia, i tur kos a wòrdu kreá perfekto (Genesis 1:3, 6, 9, 11, 14, 20, 24; Salmo 29).
- (2) *Un Dios komprometé*: E no tabata lehano (distanshá), pero a bini serka di Su kreashon, papia kuné i a toké(mishi kuné) (Genesis 1:28-30; 2:7).
- (3) *Un Dios di òrdu*: E no a krea sin plan òf meta. Tur akto kreativo a traha un kaminda pa e otro, te na e kulminashon perfekto (Job 34:13).
- (4) *Un Dios kreativo*: E no a krea tur kos di mes koló òf forma, pero “segun su sorto.” Tur ser bibu ta diferente (Genesis 1:21, 24).
- (5) *Un Dios di relashonnan*: Dios a establese un relashon entre sernan humano i e otro sernan bibu. Tambe El a “kana den e hardin(hòfi)” (Genesis 1:28; 3:8).

❖ Un mundu perfekto.

- Dios tabata repasando Su kreashon durante di e siman di Kreashon, i El a konfirmá ku tur kos “tabata bon” (Genesis 1:10, 12, 18, 21, 25).
- Dios tabata satisfecho ku Su Kreashon. Tur kos tabata bunita i funshonal, ekselentementemente diseñá, práktiko, i yen di bida i koló.
- Ken tabata e beneficiario di un regalo tan bunita? Nos ta. Asta despues di miles di añanan di diteriorashon, nos por mira ainda e maravianan di Kreashon i sklama: Kon grandi nos Dios ta!

❖ Un mayordomo perfekto.

- Dios a enkargá(outrorisá) Kreashon na e mayordomo perfekto: humanidat.
- El a apuntá(nombra) nan komo señornan i kuidadónan di e animalnan i naturalesa (Genesis 1:28; 2:15).
- Piká no a kambia e responsabilidad aki. Nos ainda ta responsabel pa kuida(soru pa) i mantené e Kreashon, inkluyendo animalnan i naturalesa.

B RELASHONNAN KIBRÁ.

❖ Humanidat i Tera.

- Diferente for di e sobrá di e Kreashon, Adam i Eva a wòrdu duná abilidadat moral, asina ku nan por tuma nan propio desishonnan.
- E abilidadat aki a wòrdu duná na otro sernan ku Dios a krea promé, manera angelnan. Lucifèr a huza e libertat aki pa rebeldiá kontra di Dios, i el a disidí pa ekstendé su rebelion na e mundu resientementemente kreá.
- Adam i Eva a aseptá Satanás su insinuashon , kibrando asina nan relashon ku Dios, ku un na otro, i ku animalnan i naturalesa (Genesis 3:8, 12, 18; 9:2).

❖ Humanidat i nan próhimonan(bisiñanan).

- Dios a krea tur sernan humano (Jòb 10:8-12). Tur hende ta Dios Su kreashon i ta meresé nos kuido i rèspèt.
- Tur persona tin e derecho pa sa ku Dios ta stima nan, pa sa tokante di Su sakrifisio i e herensia ku El a prepará pa nan.
- El a pidi nos tambe pa kuida pa Su kriaturanan. Nos ta e wardadónan di nos rumannan hòmber i rumannan muhé.